

欽定剿平三省邪匪方略

欽定剿平三省和匪方略續編卷九

癸亥年

三月十六日

庚戌

惠齡奏言

臣

由洵陽壩西進趕

至寧陝屬之四畝地據總兵楊芳稟報近日分

兵窮搜並無賊匪蹤跡惟黃栢廠一路千總張

文魁搜獲零匪三名朱家莊一路副將吳廷剛

殲斃零匪八名舊縣關守備孫榮拿獲賊探一

名委員徐聯科搜獲零匪四名又林家寨寨首

等擊斃賊匪一名拿獲一名查山內零匪現已無多又極渙散三五人卽爲一起並有一二人潛蹤散逸者官兵每至窮搜一二日不見蹤跡而官兵甫經他往又忽有搶劫糧食之事並有從前落後鄉勇及隨營貿易遊手好閒之人三五成羣隨處覓食如遇官兵卽冒稱某營鄉勇如遇百姓卽假充賊匪乘勢搶奪寨民不辨真

爲卽羣指爲賊率行具報以致賊數轉覺增多
是偽賊不能除真賊不能立見消滅

臣

前已通

飭各營汎及地方州縣並寨堡委員等隨處盤
緝並令楊芳將所帶鄉勇未經裁撤者均卽查
明籍貫交陝安道朱勳按名收繳器械資送回
籍山內全無鄉勇亦可免游手好閒之人假充

影射奏入

上命軍機大臣傳諭惠齡曰惠齡摺內稱偽賊不除
真賊不能立見消滅等語殊屬含混此時在山內
搶掠滋擾敢與官兵抗拒者卽屬賊匪有何真偽
之別若云落後鄉勇及隨營貿易游手好閒之徒
假充賊匪乘間搶奪者卽爲偽賊則從前各路殲
擒匪衆指爲真賊者又豈必盡係白蓮教中人乎
總之無論鄉勇游民一經作賊卽當一律懲辦不

問其從前習教與否卽有素常習教而現今安分守法不肯爲匪者卽係良民惠齡祇當論其現在爲賊不當添設真僞名目也至各路鄉勇朕疊經降旨令督撫嚴飭地方官妥籌安插毋任滋事何以摺內又有鄉勇等假充教匪滋擾之事可見伊等於鄉勇一事並未嘗認真籌辦凡摺內所稱如何遣散安插等語俱係紙上空談此項鄉勇貿易

人等於遣送回籍後如無生業可安必致仍流爲
匪散而復聚仍害良民無恒產必無恒心乃一定
之理惠齡應飭地方官妥爲安頓務期得所

十九日

丑 癸

德楞泰奏言竊

臣

據田朝貴稟報該

鎮由開縣之團城跟追荷朝九等賊匪該匪向
大灣黃栢棚一帶奔逃當經督兵齊進二十六
口齊至該處圍剿殺賊六各生擒二十二各查

係黃白藍三號餘匪並無頭目在內該匪旋逃
向開縣之滿月槽細沙溪一帶官兵追躡進攻
殺賊八名生擒十名直至雞鳴寺又擒斬賊匪
二十餘名現在該逆分爲三起一起一百二三
十人由滿月槽乾溪逃竄一起七八十人走大
塘口熊板院一起三十餘名走火山新開場均
卽帶兵分投趕追又差赴楚境哨探有賊匪一

起一百三十餘人又一起一百六十餘人由房
縣水田坪笑天龍兩處分竄均至竹山之南坪
地方有合夥之勢卽係總兵吉林泰等所追之
賊查現在只有都司左位等帶兵二百各跟追
賊衆兵單當經飭派遊擊王國輔陳龍驤等帶
兵勇五百名前往協剿其劉渣鬍子餘孽據官
僧德蒲尙佐稟報在黃草坪花巖子趕上又殺

賊十七名生擒十二名滾崖者數名餘匪六七
十人四散分逃又王國賢餘匪據叅將虎正林
守備謝金章等稟報在茅嶺老山被寨民陳國
才等殺斃九名生擒七名滾崖跌死三名祇逃
脫二名又差赴開太一帶哨探有由南木窖竄
來賊匪百餘人南埡場竄來賊匪八九十人譚
家壩竄來賊匪四十多人三起合夥約共二百

數十名旋接額勒登保來信知穆克登布在亮
埡子陣亡此股竄匪係苟文明宋應伏等遺孽
前經在南山奔竄戕害大員茲旣東來必需併
力趕緊掃除庶可以洩衆憤現經勒保添派都
司趙琴帶兵勇五百餘名與田朝貴等合兵剿
辦總共兵數不下二千臣又飛飭馬元協同田
朝貴搜捕自可得手至東北一帶近接額勒登

保來信副都統銜達斯呼爾岱所追川陝合夥
之賊只有四百餘人有欲走太平八台山之語

該逆如果東來

臣

卽當親帶官兵迎截與達斯

呼爾岱等兩面夾擊以期一鼓集事頃又接豐

紳來信苟朝閣餘匪一百餘人有南奔入楚之

勢現在楊遇春已督同副將張瑗參將祝廷彪

等跟蹤追躡至川北一帶零匪更屬無幾亦有

總兵達自祥臬司劉清等剿撫兼施諒均可卽
日淨盡奏入

上命軍機大臣傳諭德楞泰曰此次各路鎮將等沿途均有斬獲自二三十名至三四十名不等統計亦有一百數十人但閱摺內所敘各處零匪統計仍不下一千一二百人並未稍有減少不解何故德楞泰當嚴飭帶兵鎮將等各加奮勉上緊躡剿

務於四月內一律辦盡轉瞬天氣漸熱必致又以暑雨載途爲辭而禾稼遍地賊匪得以掠食不免又致稽時益復不成事體德楞泰受恩最重謀勇俱優不可不勉之又勉其苟朝九一犯務當確查下落不可令其漏網至各處賊數前次屢經降旨諭令查明確實具奏雖該匪等四散竄匿固不能按各而稽但據各路稟報亦不難約畧查明得有

總數何以摺內迄未將總數敘明此後每次奏報
總應將實在賊數聲敘毋得含糊了事至所稱苟
文明宋應伏等遺孽戕害穆克登布後又向東逃
必須先爲併力趕緊掃除等語所見甚是提督大
員帶兵搜捕必非一二人所能戕害德楞泰當逐
一究出動手戕害穆克登布之犯共有幾名審明
後於軍營嚮剖心以設穆克登布靈位致祭並

擇賊中之壯健剽悍受傷較輕者一二名解京在
伊家墳塋寸磔俾衆共知以抒公憤而慰忠魂

二十日甲寅額勒登保奏言臣據各路稟報田朝

貴由大寧賊水壩一帶跟追之賊派守備張應
錫帶兵赴紅池壩老林設伏截擊斃賊二名生
擒十名遊擊薛陞趕上又斃賊數名訊係各號
零星攢聚之賊共有二三百人總在老林躲避

田朝貴現由雞鳴寺整集兵勇向馬家營一帶
跟追又都司李廷珍所追之賊八十餘人逃至
深坑子地方又會合另股零匪三十餘人經李
廷珍乘夜掩襲斃賊四名該匪向楊柳池竄去
適叅將陳弼帶兵探剿而來與李廷珍合兵一
處兵勇共有一千各一經趕及卽可得手又達
斯呼爾岱羅聲阜趕剿合竄之賊四百餘人由

石唐壩欲竄東鄉達斯呼爾岱等帶兵抄赴胡家場迎頭截擊該匪折竄南江官兵現由長石板鸚哥嘴緊跟前進臣並飛札總兵達自祥帶兵由南江向東夾擊又叅將羅思舉所追零匪七八十人在火天岡地方接仗生擒賊匪十五名訊據供稱此股賊匪已有臬司劉清所派之軍功李植德前來招撫欲往投首至劉渣鬍子

殘匪百餘名現接德楞泰來信分兵在大寧一
帶顧東搜捕即可淨盡其田朝貴追剿之賊二
三百人亦已添派馬元帶兵千名趕往協剿德
楞泰現在大寧寶哈等處就近督飭各路搜剿
此外川陝鎮坪界連之老鴉畔有零匪百餘名
分匿老林已有楊遇春同副將張瑗叅將祝廷
彪分兵圍搜其楚境零匪二百餘人慶溥呢瑪

善均已分帶官兵趕剿所有各處趕剿零匪惟
達斯呼爾岱等所追之賊人數稍衆

臣

現卽率

領存營官兵沿陝界而西向通江進發督率辦
理至南山零匪八九十名經楊芳吳廷剛林向
榮等斬獲十餘名該匪三五零星分竄雖一時
不能全數肅清揆其情形實不能再行勾結奏

入

上命軍機大臣傳諭額勒登保德楞泰川陝湖廣各
總督曰朕宵旰焦厘盼望奏報肅清乃數月以來
賊數仍未減少昨據德楞泰奏到各路官兵擒斬
賊匪尙有一百數十名額勒登保自初十日奏報
後距今已閱一旬而本日摺內所敘各路殲擒之
賊祇有一二十名試思每隔旬餘奏報一次不過
以殲獲無多敷衍聲敘似此日復一日究於何時

始能辦盡卽如戕害穆克登布一股賊匪祇有八十餘人卽合之另股零匪三十餘人亦屬無幾乃自李廷珍帶兵追剿以來又有勒保所派之陳弼幫同探剿而德楞泰昨奏亦已飭令馬元確探迎截數路兜圍兵勇共千餘名十數倍於賊猶復任賊驚潰分竄不能趕上殲獲淨盡則田朝貴所剿之二三百人及達斯呼爾岱等所剿之四百餘人

並楚境之二百餘人不能卽時剿盡更不待言矣
從前賊勢鴟張之時匪衆多至一二十萬首逆賊
目分路勾結均經額勒登保德楞泰等以次殄除
而此時搜捕零匪半年尙未悉數掃除額勒登保
德楞泰素能奮勉朕固不疑其心存懈弛不肯出
力但何以至今不能辦盡如果實有難辦之故前
曾屢次降旨詢問或因撤兵過多不敷調撥或因

帶兵人員較少不能得力或因糧餉短絀不能隨
營接濟以致軍行不無停待額勒登保德楞泰身
任經畧叅贊此等情形皆當早行陳奏如承辦糧
運各官有誤供支亦應據實叅辦况經朕疊次詢
問仍無一語奏及徒以各路趕剿虛詞含糊具奏
實屬不成事體額勒登保德楞泰等接奉此旨後
卽將以上指出各條或此外尙有實在不能速行

辦淨之處各發天良據實速奏不可稍有隱飾若再不將實情陳奏則是有心欺隱朕必將額勒登保德楞泰等黜革仍留軍營辦理搜捕責令戴罪立功設或再有遷延竟當另簡大員前往督辦將額勒登保德楞泰等治罪伊等七八年宣力之勞墮於垂成豈不可惜額勒登保德楞泰不可不勉承訓誠奮力圖功毋得再有延玩凜之慎之

同日

上諭內閣曰前因川陝楚三省大功戡定會降旨令該督撫將被賊近賊各州縣廳衛自嘉慶元年至七年止遞年積壓未完民欠各款查明具奏候朕加恩茲據吳熊光等將湖北省被賊近賊各州縣衛所節年緩帶借欠一切銀米穀石數目開單進呈着加恩將曾經被賊滋擾之蒲圻等各州縣衛

所應徵緩帶借欠正雜銀糧並民欠隨漕丁欠起
存等項全行豁免其近賊之江夏等九州縣衛所
及辦過兵差地方應徵緩帶借欠正雜糧銀並民
欠隨漕丁欠起存等項蠲免十分之五該督等仍
應飭屬詳細清查勿得稍有牽混遺漏至未經被
賊近賊之武昌等九州縣並各衛所緩帶借欠一
切銀米穀石亦著加恩自嘉慶八年起分作三年

帶徵以紓民力

二十一日

乙卯

勒保奏言

臣

督率官兵搜剿零匪

茲據稟報田朝貴一路官兵行次開縣大灣黃

栢棚一帶老林探有零匪一起分兵抄襲殺斃

賊匪六名生擒二十二名餘匪棄械四散竄入

深山田朝貴派兵搜捕無蹤訊據供稱此起賊

數十人係黃藍各號剿散餘匪是日馬元劉彪

等帶兵與田朝貴會合同移兵開太一帶搜捕苟逆餘匪初二日探得該匪在麥家山等處分起埋伏田朝貴等率領官兵亦分起追剿伏賊哨見官兵捨命撲出兵勇分路奮擊鎗箭齊發殺斃賊共十一名生擒三十四名查訊此起係苟朝九餘匪又與高家營餘匪合夥共有三百餘人此次被兵剿殺分路潰逃當向查訊苟

朝九現在何處該匪等不知下落於活賊內訊
出偽先鋒王萬中楊芝和二名偽總兵李維燦
彭浩謝惠三名旗手姚發富孫大舜二名凌遲
處死其餘俱係戡手概行正法又叅將桂涵帶
兵搜至臨江市探有賊匪五十餘人由太平城
口老林竄至開縣境內當卽躡蹤緊追於初五
日追至東鄉奮力圍捕斃賊五名生擒三十三

名訊係藍號餘黨與黃號剿散餘匪奏合共有
五十多人等語當將獲犯概行正法又遊擊陳
弼都司李廷珍等所追賊匪七八十人自關口
坪竄走柞井壩譚家壩一帶因旬日以來陰雨
連綿山路溽滑異常故日內均未得手其叅將
羅思舉所追之賊七八十人前有赴臬司劉清
處投誠之說連日尙無信息臣已飛飭羅思舉

如該匪等觀望不投卽速行剿捕不必拘泥招

撫致稽時日再

臣

欽奉

諭旨委員楊沛雲於開縣流水溝將賊首曾芝秀殲斃所辦尙好委員楊沛雲究係何項職官着勒保
遇便覆奏伏查楊沛雲係渠縣縣丞委在開縣辦
理團寨節次督勇截剿賊匪屢有擒獲頗爲出
力茲復會同官兵將賊首曾芝秀殲斃可否仰

懇

聖慈賞戴藍翎以示鼓勵

勒保又奏言

臣

連年帶兵在軍營感受潮濕腰

腿作痛時發時止近日復發較重兩腿酸痛難

於步履又心跳頭暈徹夜不寐精神自覺委頓

必須趕緊調治

臣

暫赴綏定府城上緊醫治其

各路剿賊情形仍可就近督催辦理一俟調治

稍痊仍當親赴前敵督辦均奏入

上命軍機大臣傳諭勒保曰據稱開縣老林零匪一起竄入深山田朝貴派兵搜捕無蹤等語所奏殊不成話該匪等經官兵追剿四散奔逃卽向深山潛匿亦必有蹤跡可指豈有搜捕無蹤之理卽如高家營名目近日奏報總未見敘及此次摺內忽又有苟朝九餘匪與高家營餘匪合夥之語此卽

從前搜捕無蹤之賊復行出擾之明驗總因帶兵將弁不能奮力窮追率以搜捕無蹤稟報任其竄逸迨閱旬餘該匪等又得於他處勾合竄出散而復聚何時始能殲淨又據稱陳弼李廷珍等所追戕害穆克登布一股賊匪竄走柞井壩譚家壩一帶旬日以來陰雨連綿山路溇滑均未得手等語雨後山徑泥滑官兵旣難以行走何以賊匪仍能

奔竄豈獨不畏凜滑乎所奏亦未免支飾惟所稱
羅思舉所追之賊前有赴劉清處投誠之說至今
尙無信息已飭知速行剿捕不必拘泥招撫一節
所見尙是至據奏現在患病情形暫赴綏定府城
延醫調治著勒保上緊醫治卽痊愈後亦不必親
赴前敵如自揣精神尙可辦公當將地方事件悉
心料理不可稍有推諉倘精力實有不支卽當據

實奏聞至另片奏請將殲斃賊首之縣丞楊沛雲
加恩鼓勵一節楊沛雲前據德楞泰查奏到時早
經加恩以知縣卽用勒保尙在未知今旣據復行
保奏着再照所請賞戴藍翎以示鼓勵

上又命軍機大臣傳諭額勒登保德楞泰曰本日勒
保奏到搜剿零匪一摺殲擒無幾並有賊匪散竄
入山搜捕無蹤等語甚不成話朕宵旰焦勞因思

從前賊股中著名首逆曾經懸立賞格購獲多名
現在起事老教首雖已殄滅無存但零匪中如苟
朝九等有各賊目率領餘衆在各處竄匿者尙復
不少或兵勇等因見此時均係敗殘餘匪拿獲後
不能得有重賞遂爾心存懈弛莫若再明立賞格
出示曉諭無論官兵鄉勇紳士寨民等有能擒獲
著名賊目一名者賞銀一二百兩如擒獲偽先鋒

以下及旗手矛手等賊目一名者賞銀自數十兩至一二十兩有差統計零匪不過一千餘人如此懸賞購擒或兵勇等有所希冀爭先誦緝人思俘獻不難以次殄淨但必須訊明實係真賊方准給賞不可任聽妄行捕捉致啟誣陷仇殺之漸如有以假報真者仍加倍治罪其州縣及佐雜等員內有能設法擒捕賊匪數名先行記功若能擒捕數

十名或有旗手偽總兵者亦准其送部引見以示
獎勵有任賊潛匿放過者卽行叅處各鎮將等既
督率官兵四路追剿而州縣及寨碕民人等又復
隨處偵緝卽使賊匪四散竄逸均可就地俘擒亦
屬以逸待勞之計此朕思慮所及著額勒登保德
楞泰再詳細斟酌是否於搜捕有裨及有無窒礙
難行之處卽據實覆奏再據勒保奏稱伊感受潮

濕現准暫赴綏定府城調治伊所帶官兵分隸各
鎮將其與額勒登保軍營相近者著歸額勒登保
調遣與德楞泰軍營相近者著歸德楞泰調遣各
就近將搜捕情形隨時報明經畧叅贊以專責成
但勒保如果病勢漸痊尙能經理地方事件若精
神實在委頓並地方公務亦不能照常辦理額勒
登保德楞泰就近查明卽由五百里奏聞

二十四日戊午吳熊光奏言竊照陳姓分起西竄

之前股首夥百餘人竄至竹谿椒子園大石尖

一帶總兵慶溥率同遊擊馬濟盛等跟蹤進擊

追至三坪趕及賊人後隊殺賊五名時有川匪

一股由向家壩闖入與該匪會合繼復有提督

楊遇春由陝省鎮坪追剿一股賊匪竄越界嶺

至色草坪地方亦與合夥嗣經楊遇春同副將

張瑗率兵至楚與慶溥所帶官兵分投追擊斃
賊十七名滾崖跌斃者十餘名餘匪仍復分股
奔竄慶溥原追之賊與川省闖入之百餘人竄
匿老莊子一帶老林楊遇春現率副將張瑗帶
兵搜剿其自陝闖入之一股三百餘人由竹山
屬白河口湖溪等處東竄時值副將呢瑪善追
剿陳姓後股賊匪至小毛坪探聞該匪竄至上

灣一帶相離較近呢瑪善同叅將李貴遊擊金
洪翮帶領馬步兵丁由平頭河前進派叅將王
占菴遊擊李東宣帶領步隊鄉勇由陳家灣前
進金洪翮帶兵搶上左手山梁呢瑪善帶兵搶
上右手山梁該匪見兩路官兵並進由左手山
梁整隊歷下千總彭國棟肋受矛傷陣亡金洪
翮督催兵勇奮力仰攻斃賊四名該匪從山腰

奔竄呢瑪善等復率兵分路追擊斃賊七名該
匪遂由東河秦口一路北竄臣當派都司鄧興
相帶領鄉勇繞赴北面溝口轟擊副將蔣觀濤
帶領官兵扼住南面溝口截殺以爲夾擊之計
詎該匪狡猾異常見官兵兩路進擊亦分兩隊
一向北溝口衝出抵拒暗分一隊翻山繞出蔣
觀濤一路官兵之後自上壓下官兵猝不及防

前後受敵把總楊光海王廷彪外委蘇廷連湯力格殺斃賊數名各受矛傷陣亡守備劉明德左手亦帶矛傷尚不甚重蔣觀濤督率官兵搶上對面山梁憑高壓擊賊始退竄石龍溝地方與呢瑪善原追之陳姓後股賊匪百餘人合夥共有四百數十人現在竄至三房屬東蒿坪一帶該處南通與山東達保康慶溥呢瑪善仍分兩

路躡追前進

臣

伏查楚境賊股前此惟陳姓分

竄之匪共不過二百餘人今復有川陝闖入之

賊分投滋擾其竄匿竹谿境內一股有楊遇春

督率張瑗剿辦當可不虞蔓延惟此股下竄房

縣之陝匪人數較多內有三百名真正矛手訊

據逃出難民屈有學等供稱此股賊匪卽苟文

明餘黨內係張姓爲首由大寧屬之黃墩竄至

兩扇門衝了陝省官兵營卡復向東奔到湖北

竹谿等語

臣

察探情形此股匪衆似係積憤陳

賊狡猾異常是以飭令慶溥等於趕緊剿辦之

中仍隨時加意防範不可冒昧至前此竄擾興

山解家壩獨木阡之賊吉林泰帶兵往剿茲據

稟稱連日分兵搜探未見賊蹤想卽日前呢瑪

善追剿之賊現已與陝匪合并東竄

臣

因飭吉

林泰帶兵至興山保康房縣交界一帶如遇慶
溥等現追賊股竄向東南可期夾擊奏入

上命軍機大臣傳諭額勒登保德楞泰吳熊光曰湖
北境內節據該督等奏報僅有陳姓分起首夥二
百餘人此時忽有陝匪三百餘人竄入房縣均屬
真正矛手賊數又復增添管員又有傷損皆係額
勒登保德楞泰督率將領剿辦不能就地殲滅任

其竄逸楚境看來帶兵將領於馳遞黃摺之後總不免心存大意卽如楊遇春向來帶兵最爲奮勉近日久未見伊打仗殺賊從前額勒登保派賽冲阿楊遇春在陝楚邊界防範彼時並無成起賊匪今忽有匪衆三百餘人竄至該處卽應就地剿盡或設法關截不使遠竄何致任其闖入楚境伊二人實不能辭外著額勒登保等查明伊等在平利

一 帶駐防有無踈縱情形至難民所供賊匪由大
寧竄至兩扇門衝破陝省營卡向東奔到湖北該
處既設營卡卽有將領兵丁屯紮守禦並著查明
係何營卡據實叅奏現在此起合夥零匪計共有
四百數十人爲數最多又係積慣陳賊必當上緊
搜剿毋令蔓延雖有楊遇春慶溥呢瑪善等分路
躡追恐兵力尙或不敷額勒登保德楞泰一面選

派得力將領前往疾擊並一面察看此起賊匪距
經畧叅贊大營何路較近卽酌分一人統兵親往
督剿以期迅就肅清所有此次殺賊陣亡之千總
彭國棟把總楊允海王廷彪外委蘇廷連俱著咨

部賜卹

二十五日

巳未

馬慧裕奏言竊

臣

欽奉

諭旨命將豫省小米麥石可以籌撥若干接濟陝省

之處一面籌備奏聞

臣

伏查豫省上年秋成豐稔

民食倉儲均各寬裕陝省需用軍糧自應妥籌

協濟查陝州閩鄉靈寶三州縣在三門砥柱以

西溯河水運可以直達潼關其鞏縣以西各縣

距陝州皆在三四百里以內車運至陝州會興

頭上船道里尚不甚遠擬於陝州碾米一萬二

千石靈寶縣碾米一萬石閩鄉縣碾米八千石

河南府屬鞏縣碾米六千石偃師縣碾米六千石洛陽縣碾米八千石以上共碾米五萬石分作五起運赴陝西省潼關廳交收再查該州縣倉貯皆係粟米存麥無多應請全數動碾小米運往奏入報

聞

二十七日

辛酉

惠齡奏言竊

臣

趕赴西路探報賊

匪遁入月亮坪極深老林當令總兵楊芳帶領
把總葉光明等入林跟追千總張文魁由羅圈
崖逼進守備梁元凱由火地顧東兜截臣亦帶

同都司祁祥等由東嶽賊向西分搜途次據報

楊芳一路進至北溝腦擊斃賊匪三人滾落懸

崖跌斃數人該匪乘夜遁入茨溝腦大小崖窩

一帶臣聞報卽一面由二官廟扼要堵截一面

分派都司祁祥由北溝直入與千總張文魁協力搜洗分爲兩路張文魁一路上至半溝適值霧雨迷濛忽兩旁密箐內突出零匪二三十人向我兵前後衝殺戮傷兵丁數名張文魁急帶兵鎗礮齊施傷斃賊匪十餘人賊始折回奔竄張文魁緊跟追殺至半山陡崖又遇零匪二十餘人官兵互相牽拽而上奮力仰攻該匪等推

放播石官兵間被石傷適都司祁祥由小東河
一路趕至上前接應施放鎗礮擊斃賊匪三人
把總王輝軍功尹貴首先搶上山梁官兵連臂
齊登賊匪佔立不住滾崖逃散跌斃數人餘匪
遁入老林四散祁祥卽商令張文魁仍由林內
跟追自行帶兵趕回大壩營拒截東竄之路惟
查逸東尚有大小乾溝等處在在可以東折

臣

現已飛飭楊芳由火地分兵向西排搜並令副將吳廷剛由北面兜截再據漢中府知府趙洵稟報辦寨委員徐聯科擒獲僞元帥袁三文等二名經臣親加研訊袁三文係羅其清營內僞元帥嚴思祥係嚴思讓之弟在苟文明營內充當僞先鋒二逆均係積年老教焚掠滋擾當經凌遲梟示查委員正八品徐聯科自辦理寨堡

以來實心任事能將漏網賊目緝訪生擒實屬
能事相應仰懇

聖恩准將委員徐聯科遇有府經歷縣丞缺出先儘
補用奏入

上命軍機大臣傳諭惠齡曰陝境山內零匪經官兵
排搜兇逼尚敢於沿崖密箐內分投埋伏千總張
文魁率領官兵互相牽曳而上奮力仰攻都司祁

祥帶兵趕往接應賊匪佔立不住始滾崖紛紛逃散張文魁奮勇可嘉著加恩以應陞之缺卽行陞用但此次殲斃賊匪仍不過數十人其餘零匪又遁入老林散逸山內迄今尚未肅清惠齡應卽督飭楊芳等趕緊設法邀截務於四月內全數掃除不可再有遲延爲要其擒獲僞元帥袁三文僞先鋒嚴思祥之徐聯科著照所請遇有該省府經歷

縣丞缺出先儘補用以示鼓勵

同日吳熊光奏言竊照苟逆餘匪前經竄及東

蒿坪地方

臣

當飭副將呢瑪善帶兵向東迎截

總兵慶溥帶兵跟追該匪知東面有兵復繞道

西折仙家坪慶溥當派叅將烏勒喜訥遊擊馬

濟盛薛忠全守備鄭光明等帶領兵勇由隴頭

寨一路追擊慶溥率同總管副都統銜托爾托

保協領武成額遊擊姜元祥都司陳天壽守備
孔文著等帶領步兵丁由鹽水河一路迎截
烏勒喜訥等追至三里塌趕及賊蹤賊人公然
佔踞山梁搖旗誘戰官兵奮力上攻立斃賊匪
數名賊人退上青山堽官兵乘勢追殺至山堽
處所勢益陡險賊人翻身死拒攪殺一處叅將
烏勒喜訥守備鄭光明鄉勇首領軍功守備頂

戴胡承烈等爭先擊剿各受矛傷陣亡遊擊薛忠全身帶石傷尚不甚重正在相持之際慶溥帶兵趕到塘上青山埡後坡賊人始斜越山坡竄走官兵乘勢追趕矢石並下擊殺賊匪三十餘名滾坡跌斃者數名餘匪向石版溝西逸慶溥等已躡追前進其前竄竹谿老莊子一帶賊匪提督楊遇春督率副將張瑛追剿茲准楊遇

春苗稱探知賊匪由風竹槽竄匿後河林內分
兵兩路連夜進剿該匪猝不及防殲斃二十餘
名生擒三十八名天明分投搜捕又獲賊十七
名滾崖跌斃及落河淹沒者不少又據竹山縣
知縣范繼昌稟報前此苟逆餘匪由竹谿東竄
時經過該縣屬之白牛池地方經該處團寨委
員張從鼎率勇截擊斃賊五名賊衆整隊衝撲

陣亡寨勇張瑞先袁祖文石登魁劉國禮賈克
見等五名又據督辦宜昌各屬團寨之同知王
樹勳稟稱該同知探有零匪十餘人竄匿歸州
青石崖等處跟蹤搜捕殲斃賊匪九名生擒活
賊二名訊係青號剿剩餘匪臣伏查楚省賊匪
現在竹谿境內之賊經楊選春督兵趕剿殲擒
七十餘名所剩百餘人尚易殲滅惟房縣境內

苟逆餘匪人數較多情形又復狡悍官兵迫於
地勢未能痛剿得手臣仍飭廖溥呢瑪善等分

兵兩路緊跟兜擊趕赴開展地面痛剿一二次
庶可迅速殄除惟現在滋事賊匪本屬亂民近
又散出鄉勇等附入賊隊於官兵虛實靡不周
知若稍涉冒昧誠恐未免失利是以於嚴切催
遣之中又不得不持以慎重至楚省善後事宜

如設營築城等事

臣

前因同時並舉經費浩繁

除新設提標及鄖鎮各營應添兵額已陸續
募補外其餘衙署墩臺概擬緩辦並未興工至
鄖陽宜昌兩府屬之被擾州縣向無城垣者居
多除鄖陽屬之鄖西竹山竹谿保康四縣業經
該地方官倡率士民捐建土石各城毋庸支銷
公項外宜昌屬之歸州興山巴東三州縣俱無

城垣而歸州與山在川江北岸尤須建城守禦

惟該二屬疊被賊擾民力尤爲拮据迄今未能

勸捐有成臣再四籌維亦祇可徐爲籌建上年

經畧額勒登保叅贊德楞泰先後統兵來楚之

時臣當經詳爲告知至額勒登保與臣會晤時

並未與臣言及餉項臣亦未以軍餉情形向額

勒登保提及查楚省月需兵餉當臣初抵楚省

時月需銀十六七萬兩經臣將疲弱不得力之

官兵並將有業可歸之鄉勇節加裁撤始得逐

漸減少兩年以來臣督飭各員撙節支用現在

楚省月需軍餉每月約共需餉銀八萬餘兩本

年蒙

恩賞撥銀四十萬兩截至三月底止除動撥之外存

銀三十四萬兩約計尚可敷四個月之用再首

逆胡明遠潛逃未獲疊奉

諭旨密拏茲據房縣知縣孫捷三房縣委員吏目王
斌第稟稱本月十八日王斌第緝至房縣油匠
坪山峽遇有一人行走慌張向樹林內躲避該
員見其形狀可疑趕入林內拏獲查看該犯實
係胡明遠正身該員隨帶眼目黃上則方酉娃
二名係先被賊擄後經逃出者認識胡明遠屬

實臣現在親提驗訊俟訊取確供再行具

奏奏入

上命軍機大臣傳諭吳熊光曰苟逆餘匪經慶溥呢瑪善等殲斃三四十名卽楊遇春所剿竄匪一起殲獲亦有七十餘人但青山壩一路官兵與賊匪攪殺時叅將烏勒喜訥守備鄭光明等俱各陣亡其白牛池地方委員張從鼎率勇截擊亦有陣亡

寨勇五名叅將在營員中職分較大致被戕害則同時兵勇自必尚有陣亡者實屬不值從前屢次降旨諭令帶兵鎮將加意慎重不可冒昧輕進試思搜捕零匪已閱數月尚未竣功朕宵旰焦勞不得不嚴催督辦此時該將備等屢有殺賊陣亡者朕亦何忍謂其不知奮勉惟與賊接仗時總當察看地勢偵探賊情因利乘便豈可冒昧失算致遭

挫折吳熊光仍應飭知鎮將於奮剿之中留心防範爲要又據稱近有散出鄉勇等附入賊隊該匪等旣已附賊則前功盡棄不必問其是否鄉勇卽當上緊剿辦至楚省設營築汛等事吳熊光所見甚是所有應行興築各事宜自當權其緩急次第辦理至楚省軍餉尚存銀三十四萬兩可敷四個月之用吳熊光能隨時樽節核實支銷不致有絲

毫牽混其實心任事殊爲可嘉如果將來另有須
接濟之處朕自當隨時撥給亦不待伊等奏請所
有此次陣亡叅將烏勒喜訥守備鄭光明及鄉勇
首領軍功守備頂戴胡承烈寨勇張瑞先袁祖文
石登魁劉國禮賈克見等俱著咨部賜卹

二十九日

癸亥

德楞泰奏言

臣

據遊擊王國輔陳

龍驤都司左位等稟報楚境賊匪一百餘人兵

勇追至蒼蠅溝該處先有賊匪二百餘人卽與
合夥竄向長嶺一帶王國輔陳龍驤等帶兵截
剿探聞該逆屯於香爐山當於是夜四更時進
兵圍剿賊知官兵分路而來佔踞山梁恃險抵
敵兵勇仰攻斃賊十餘名賊堆放播石堵擋我
兵有帶矛石傷及陣亡者相持至申刻忽然大
雨傾盆雲霧瀰漫該匪自後山翻老林向黃龍

尖下溪溝柳林店北遁又據總兵田朝貴副將
馬元遊擊劉彪稟報苟逆餘匪五六十人由仰
天窩走葛藤壩老林官兵分路進剿斃賊二名
生擒八名餘匪奔通天蠟燭老林都司瞿心能
帶兵由南溝抄截時副都統富僧德總兵蒲尚
佐得信後亦卽帶兵自南而北取道五台坪雪
泡山進剿該匪知三處官兵分投抄擊又向葱

子坪老林而遁至劉逆餘匪已經富僧德蒲尚
佐派千總周應龍冉玉龍等前往跟追在飛龍
寨等處冒雨進剿斃賊數名周應龍等均受石
傷富僧德蒲尚佐等又就近趕往堵剿賊知官
兵迎截奔上通天蠟燭老林有馬元等一路官
兵跟蹤追至鎗箭齊發殺賊數名生擒五名賊
匪敗上巖頂踞險抗拒擗石如雨兵勇帶傷者

數名旋即翻山逃遁馬元等仍緊躡追剿富僧
德等正在過截此股賊匪適另有賊匪百餘人
由亮垵子翻筆架山竄來有陳弼李廷珍在後
跟追距營五六十里富僧德蒲尚佐等商酌無
論何股卽當遇賊卽剿遂分兵三路前往兜截
賊匪竟敢分投抵敵我兵鎗箭齊發立殺賊十
四名生擒七名該匪一齊退踞山坎拋滾亂石

相持至午該匪遂繞過山後老林奔竄我兵奮
勇跟追又殺賊八名生擒十一名賊遂下河翻
上對面山坡兵勇追至半山忽報後路左邊林
內有伏賊數十人突出衝入鍋帳隊內隨營糧
員四川嘉定府經歷花君弼被賊戕害千總王
玉林把總楊祿超追楊祿殺賊二名忽被旁賊
截倒陣亡尚有陣亡受傷兵勇十數名王玉林

頭受石傷隨即回兵接應賊匪始行敗逃兵勇
趕殺五名活捉六名該匪奔上龍洞山路徑陡
窄飛石如雨官兵不能前進兩霧之中相持直
至申刻賊匪乘間翻楊家山與過河之賊合夥
向秀才口遁去官兵現向高坪一帶抄截又遊
擊陳弼都司李廷珍並田朝貴馬元派來之都
司高星文等均各帶兵趕到會合趕剿訊據獲

賊供稱係陳文海宋應伏股內餘匪前由陝西過川被官兵連次剿殺陳文海宋應伏不見了有探馬頭熊老八左丙兩個帶領逃竄前在通江涼風埡打仗左丙把穆大人殺了就戴上紅頂子翎子帽子等語當將訊明積年戰手一概正法又接楊遇春來信副都統銜噶拉叅將祝廷彪等帶領兵勇先後由竹谿之老莊子追剿

初十日探有零匪一起由風竹槽竄後河林內相距三十餘里當卽分路連夜進剿三更後齊抵賊屯賊衆猝不及防當斃賊二十餘名生擒三十八名天明後又分投入林搜捕捉獲活賊十七名滾崖跌死及撲河淹沒者二十餘名獲賊內訊有僞元帥呂宗明僞先鋒余用坤石定林大旗手黃興富四名戰手五十一名分別凌

遲正法其苟朝閣餘匪探得已與慶溥等所追
之賊合夥由北河口一帶狂竄仍札張瑗等竭
力趕追等情

臣

杰川省各起零匪總在太平大

寧開縣交界老山之內旋轉奔逃卽田朝貴馬
元所追之賊現亦遁入老林均皆窮蹙殘敗不
過恃其路徑紛歧苟延殘喘如一得地勢卽可
立就翦除又據探報開縣山內零匪一百餘人

現奔雲陽之高陽一帶此起賊匪非田朝貴馬

元等剿辦苟朝九分股之賊卽係陳弼李廷珍

所追賊匪現在大寧山內遍搜無賊臣已飛飭

富僧德蒲尚佐等帶兵出山就近由雲陽之上

三壩前往剿辦至前奉

諭旨飭查劉渣鬍子股內尚有楊大刀一犯臣於屢

次獲犯內訊問均供只有探馬頭李添右帶領

餘匪並未有楊大刀之名俟再查明具奏現在
天氣晴霽各起賊匪漸次出山臣嚴催各路趕
緊搜剿奏入

上命軍機大臣傳諭德楞泰曰德楞泰摺內所敘各
路追剿賊匪前後殲獲統計亦有一百數十名但
各路兵勇俱有傷亡甚至官員中亦有陣亡者且
賊匪竟敢佔踞山梁公然拒敵兼知設計埋伏圖

劫官兵鍋帳是兇狡情形較前爲甚尚云賊匪窮蹙殘敗皆不確實在官兵等追捕賊匪自應奮勇上前斷無因畏避賊鋒稍爲觀望之理但於臨陣對敵之時仍當察看地勢偵探賊情加以慎重豈可冒昧輕進以致失利轉使賊匪漸形猖獗德榜泰當飭知各路帶兵之員於奮剿之中留心防範不得一味欲速未能計出萬全但不可有意遷延

多稽時日再摺內有大寧山內遍搜無賊已飛飭
富僧德等帶兵出山等語德楞泰但知川省大寧
山內已無賊匪而不知出山之賊俱已竄入楚省
昨據吳熊光奏到該省陳姓股匪內先有川匪一
股由向家壩竄入竹欽與之會合又有苟逆股內
張姓賊匪三百餘人由大寧之黃墩竄出兩扇門
衝破陝省替卡現在竹山房縣一帶奔竄本日德

榜泰摺內並未提及張姓一股竄楚之賊可見德
榜泰現在尚未知悉此時川省之賊其百十爲羣
者已少現有鎮將跟追可敷剿辦至現在楚省由
川竄往之賊有三百餘人合之陳姓等一股賊匪
等一二百人共計有四五百人賊數較多勢尤兇
悍德榜泰酌量情形自當卽行親自帶兵過楚督
同各鎮將將楚省之賊痛加剿殺迅速辦完不可

稽緩又摺內稱訊據獲犯供稱將穆克登布戕害
之賊係探馬頭左丙著德楞泰密飭將弁兵勇於
臨陣時將左丙一犯嚴拏務獲如將該犯生擒卽
著解京辦理如或臨陣殲斃亦著割取該犯首級
解京以便致祭穆克登布所有此次陣亡之糧員
四川嘉定府經歷花君弼把總楊祿及其餘陣亡
兵勇均著咨部賜卹